

ZAKONSKE KAZNE

Nedozvoljeno korištenje autorskih djela, koje uključuje i činjenje autorskih muzičkih djela javnosti bez dozvole AMUS-a, je krivično djelo iz člana 243. stav 1 i 5 Krivičnog zakona BiH („Sl. glasnik BiH“, br. 3/03, 32/03, 37/03, 54/04, 61/04, 30/05, 53/06, 55/06, 32/07, 8/10, 22/15, 40/15) za koje je pored novčane propisana i kazna zatvora do 5 godina.

Prekršajne sankcije sadržane su u Zakonu o autorskom i srodnim („Sl. glasnik BiH“, br. 63/10). Novčana kazna za ugostitelja i drugog korisnika koji su pravna lica i koji bez dozvole AMUS-a koriste autorska muzička djela može iznositi i do 200.000,00 KM. Za isti prekršaj se može kazniti i odgovorno lice u tom pravnom licu, te preduzetnik, novčanom kaznom do 20.000,00 KM; a fizičko lice do 10.000,00 KM. Pravnom licu i preduzetniku se može izreći i zaštitna mjera zabrane obavljanja djelatnosti do jedne godine, a za učinjeni prekršaj u povratu od najmanje jedne godine.

Zakon o kolektivnom o kolektivnom ostvarivanju autorskog i srodnih prava („Sl. glasnik BiH“, br. 63/10) u članu 41. predviđa novčanu kaznu do 100.000,00 KM za organizatora koncerta i drugih muzičkih manifestacija za nedostavljanje AMUS-u popisa izvedenih djela ili dostavljanje popisa sa netačnim podacima; do 20.000,00 KM za isti prekršaj za odgovorno lice u tom pravnom licu; do 10.000,00 KM za organizatora koji je preduzetnik; i do 10.000,00 KM za fizičko lice.

Pravnom licu ili preduzetniku koji ponovo učine ovaj prekršaj može se izreći i zaštitna mjera zabrane obavljanja djelatnosti do jedne godine.

**POŠTUJTE ZAKON
I KORISTITE MUZIKU LEGALNO
PRIBAVLJANJEM DOZVOLE OD
AMUS-a!**

Kontaktirajte nas na:

AMUS, Sarajevo

Obala Kulina bana 22/II,
tel: +387 33 25 53 00, fax: +387 33 21 82 58,
e-mail: strucnaslužba@amus.ba;

Podružnica Banja Luka

Kralja Petra I Karadorđevića 85,
tel/fax: +387 51 217 477; i

Podružnica Mostar

Kneza Branimira 6,
tel/fax: +387 36 322 022.

STRUČNA SLUŽBA



СТРУЧНА СЛУЖБА

www.amus.ba



ASOCIJACIJA KOMPOZITORA
MUZIČKIH STVARALACA
АСОЦИЈАЦИЈА КОМПОЗИТОРА
МУЗИЧКИХ СТВАРАЛАЦА
ASOCIJACIJA SKLADATELJA
GLAZBENIH STVARALACA

KORIŠTENJE MUZIKE NIJE SLOBODNO!

Zakon propisuje da se autorska muzička djela ne mogu koristiti bez dozvole autora i da autoru za svaki oblik korištenja autorskog djela od drugog lica pripada naknada.

KO JE AMUS?

Budući da je praktično nemoguće da autori kontaktiraju sve korisnike muzičkih djela i ugovaraju naknade za svoja djela, evropsko i domaće zakonodavstvo je predvidjelo postojanje organizacije koja je ovlaštena da, između ostalog, izdaje dozvole za korištenje muzičkih djela i naplaćuje autorsku naknadu. Ovakva kolektivna organizacija u Bosni i Hercegovini je „Asocijacija kompozitora-muzičkih stvaralaca“ (AMUS).

KOJA DJELA ŠTITI AMUS?

AMUS štiti domaća i strana autorska muzička djela. Isplatu naknade prikupljene za djela stranih autora AMUS reguliše putem recipročnih ugovora sa stranim organizacijama za zaštitu autorskih prava.

KO MORA PRIBAVITI DOZVOLU OD AMUSA?

Svako javno korištenje muzike zahtijeva pribavljanje dozvole od strane AMUS-a. Muzika se na javnim mjestima koristi na različite načine i korisnici direktno ili indirektno korištenjem muzike ostvaruju profit. Tako je naprimjer na koncertima, festivalima ili u diskotekama muzika neophodna za uspješan rad i bez nje nema dobiti. Muzika je neraskidivi dio djelatnosti radio i TV stanica ili kablovskih operatera koji reemituju TV kanale. U ugostiteljskim objektima, muzika je samo prateći element, ali jednako važna kao i kvalitetan meni ili estetski uređen enterijer.

U prodavnicama i drugim prodajnim prostorima muzika nije neposredno vezana za djelatnost ovih objekata, ali se radi o ambijentalnoj muzici, koja doprinosi djelatnosti kojom se bave. Svi ovi i drugi korisnici muzike dužni su pribaviti dozvolu i plaćati autorsku naknadu, pri čemu od značaja koji muzika ima za djelatnost korisnika, ovisi visina naknade koju je korisnik dužan plaćati.

ŠTA JE AUTORSKA NAKNADA?

Muzika je roba odnosno proizvod nečijeg intelekta, talenta i rada. Autorska naknada predstavlja cijenu ove robe, koju su korisnici muzike dužni plaćati i koja se potom raspodjeljuje autorima shodno pravilima raspodjele.

Visina autorske naknade definiše se tarifom koja je sastavni dio kolektivnih ugovora sa reprezentativnim udruženjima korisnika ili kada to nije moguće, ugovora sa pojedinačnim korisnicima, koji se objavljuju u Službenom glasniku BiH.

NAČIN PRIBAVLJANJA DOZVOLE OD AMUS-A

Dozvolu predstavlja zaključeni pojedinačni ugovor između AMUS-a i korisnika.

Za pribavljanje dozvole se možete obratiti:

- » **direkciji AMUS-a u Sarajevu,**
na adresi Obala Kulina bana 22/II,
tel: +387 33 25 53 00, fax: +387 33 21 82 58,
mail: strucnasluzba@amus.ba;
- » **Podružnici u Banja Luci,**
adresa Kralja Petra I Karađorđevića 85,
tel/fax: +387 51 217 477; ili
- » **Podružnici u Mostaru,**
adresa Kneza Branimira 6, tel/fax: +387 36 322 022.

Na području Bosne i Hercegovine djeluju i terenski zastupnici AMUS-a, koji svoj status potvrđuju akreditacijom izdatom od strane AMUS-a i putem kojih također možete zaključiti ugovor sa AMUS-om.

POSEBNE OBAVEZE UGOSTITELJA

Prije sklapanja ugovora je neophodno popuniti obrazac za dozvolu stalnog korištenja muzike u ugostiteljskim objektima/smještajnim kapacitetima. Obrazac možete dobiti kontaktiranjem bilo koje kancelarije AMUS-a, kod ovlaštenog terenskog zastupnika ili pronaći na sljedećoj putanji: www.amus.ba/obrasci. Na osnovu podataka iz ovog obrasca vrši se obračun visine naknade.

POSEBNE OBAVEZE PRODAJNIH PROSTORA

Za zaključenje ugovora sa tržišnim centrom, poslovno-prodajnim prostorom ili trgovinskim lancem neophodno je dostaviti AMUS-u podatak o kvadraturi tog objekta i svih poslovnih jedinica, ukoliko postoje, sa popisom njihovih naziva i adresa.

Mjerodavna je samo kvadratura prostora na kojoj se muzika saopćava javnosti (izuzimaju se npr. skladišta koja su zatvorena za javnost).

POSEBNE OBAVEZE ORGANIZATORA KONCERATA I DRUGIH NASTUPA

Organizatori koncerata i drugih javnih nastupa/izvođenja su dužni prijaviti planirani događaj AMUS-u unaprijed i zaključiti ugovor najmanje 72 sata prije njegovog održavanja. Prijava koncerta se vrši na obrascu koji možete dobiti kontaktiranjem bilo koje kancelarije AMUS-a, kod ovlaštenog terenskog zastupnika ili pronaći na sljedećoj putanji: www.amus.ba/obrasci. Organizatori su također dužni da u roku od 15 dana od održavanja koncerta i drugih javnih nastupa/izvođenja AMUS-u dostave popis izvedenih muzičkih djela na održanom događaju, kako bi se uplaćena autorska naknada mogla pravilno raspodjeliti autorima. Obrazac je dostupan na web stranici AMUS-a na sljedećoj putanji: www.amus.ba/obrasci.

KOLIKO KOŠTA KORIŠTENJE MUZIKE?

Visina autorske naknade se određuje prema usvojenim i objavljenim tarifama za različite kategorije korisnika, a prema karakteristikama svakog pojedinačnog korisnika (npr. kvadrature poslovno-prodajnog prostora, kapaciteta i tipa ugostiteljskog objekta, prodatih ulaznica na koncertu, itd.).

Tarife, ovisno od kategorije korisnika, sadrže popuste na redovno plaćanje, popuste na zone u kojem su smješteni objekti, popuste na plaćanje unaprijed za cijelu godinu i/ili druge pogodnosti.

Na primjeru ugostiteljskih objekata - kafića, prema postojećoj tarifi mjesečna naknada za kafe bar u recimo Bihaću, sa kapacitetom do 50 sjedećih mjesta i radnim vremenom do 24:00h iznosi 70,00 KM + PDV. Pri tom, obračunom popusta od 50% za redovno plaćanje i drugih primjenjivih popusta, korisnikova mjesečna naknada, umjesto početnih 70,00 KM + PDV, iznosi 28,00 KM + PDV. Iznad navedeni primjer je dat okvirno.

Tačan iznos naknade obračunava se za svaki slučaj posebno nakon dobivanja popunjenog obrasca za dozvolu stalnog korištenja muzike u ugostiteljskim objektima/smještajnim kapacitetima za konkretni objekat, na osnovu tarife i popusta koji su važeći u momentu zaključenja ugovora.